



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.289/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët: Skender Çoçaj - kryesues, Arsim Hamzaj dhe Kymete Kicaj - anëtarë, duke vendosur përkritazi me ankesën e kandidatit për asamble komunale në Komunën e Obiliqit, nga radhët e subjektit politik LDK, Irfan Preniqi, e paraqitur kundër Komisioni Qendror i Zgjedhjeve (KQZ), për shkak të parregullsive në Qendrën Komunale të Numërimit (QKN), për Zgjedhjet Lokale, të mbajtura më datë 12 Tetor 2025, në seancën e panelit të mbajtur me 22.10.2025, merr këtë:

V E N D I M

HEDHET E PALEJUAR (Pasafatshme) ankesa ZL.Anr.289/2025, e datës 20.10.2025, e parashtuar nga Irfan Preniqi kandidat për asamble komunale në Komunën e Obiliqit, nga radhët e subjektit politik LDK, e paraqitur kundër Komisioni Qendror i Zgjedhjeve (KQZ), për shkak të parregullsive në Qendrën Komunale të Numërimit (QKN), për Zgjedhjet Lokale, të mbajtura më datë 12 Tetor 2025.

A r s y e t i m

Me datën 20.10.2025, PZAP-i ka pranuar ankesën e Irfan Preniqi kandidat për asamble komunale në Komunën e Obiliqit, nga radhët e subjektit politik LDK, me të cilën pretendon se e parashton këtë ankesë për manipulim të votave të tij. Dyshohet se gjatë numërimit i votave ka pas parregullsi sepse unë mendoj se kam pas vota më shumë se kanë dal të rezultati kështu që desha të ju kërkoj që në disa kuti të numërohen përsëri votat e deputeteve. Përkatësisht vendvotimet në Mazgit i ulët kutia 1505/01 si dhe 1505/02, në Milloshevë kutia 1502/03, 1502/02, 1502/01, 1502/04, 1502/01, dhe në Obiliq kutia 1501/08, 1501/04, 1501/06 dhe 1501/02.

Në përgjigjen në ankesë Komisioni Qendror i Zgjedhjeve (KQZ), me datë 22.10.2025, ka deklaruar se, kanë deklaruar se bazuar në nenin 101 të LZP-së Nr.08/L-228, Rregulloren Zgjedhore Nr.16/2024, Qendrat Komunale të Numërimit (QKN), Procedura e Veprimit në Qendrën Komunale të Numërimit për Zgjedhje Lokale 2025, e miratuar më 01.10.2025, Nr.01/2601/2025, përcaktohet procedura e detajuar lidhur me procesin e numërimit në QKN. Rezultatet preliminare nga vendvotimet mund të korrigjohen në Qendrën Komunale të numërimit në përputhje me paragrafin 3 të nenit 14 të Rregullores Zgjedhore Nr.16/2024 për Qendrat Komunale të Numërimit (QKN). Andaj, bazuar në Rregulloren Zgjedhore Nr.13/2024 Rezultatet Zgjedhore nenin 9 paragrafi 1 thekson se: në rast të mospërputhjes së rezultateve, KQZ-ja mund të urdhëroj rinumërimin e votave të cilit do VV, ose edhe përsëritjen votimit në një VV apo QV. Rezultatet përfundimtare të procesit zgjedhor, shpallen nga KQZ-ja pas përfundimit të numërimit të të gjitha fletëvotimeve nga vendvotimet e

rregullta; fletëvotimeve nga votimi me kusht; fletëvotimet nga votimi i personave me nevoja të veçanta; fletëvotimeve nga votimi jashtë Kosovës; vendosjes për ankesat eventuale nga PZAP dhe Gjykata Supreme dhe pas përfundimit të të gjitha procedurave në QNR, ku rezultati i publikuar është i ankimueshëm nga subjekte politike dhe kandidatët të cilët kanë pretendime në raport me numërimin e votave të tyre.

Tutje kanë theksuar se pas pranimit të kërkesës për përgjigje kane kontaktuar me Komisionin Komunal të Zgjedhjeve (KKZ) të Komunës së Obiliqit nga i cili kanë marrë përgjigjen si më poshtë: Më lejoni të ju informoj se ne si Komision Komunal i Zgjedhjeve i kemi bërë të gjitha përgatitjet e nevojshme të Qendrës Komunale të Numërimit në Obiliq sipas ligjit në fuqi dhe Rregullores së QKN0së. numërimi I votave është bërë nga 4 numërues të cilët janë të subjekteve politike LVV, LDK, PDK, AAK, ku gjithçka është nën vëzhgimin e kamerave të sigurisë si dhe është përcjellë edhe nga Vëzhguesit e subjekteve politike. Sa i përket kësaj në si Komision Komunal i Zgjedhjeve nuk kemi marrë asnjë ankesë gjatë procesit të numërimit nga ana e vëzhguesve. Numërimi në Qendrën Komunale të Numërimit në Obiliq ka filluar me 14.10.2025 dhe ka mbaruar më 16.10.2025 në ora 11:00, gjithçka ka qenë në bazë të procedurave të numërimit.

Lidhur me pretendimet e palës ankuese për mospërputhje të rezultatit zgjedhor, në kuptim të nenit 117 paragrafi 3 të LZP-së Nr.08/L-228, gjatë shqyrtimit të ankesës është vërejtur se pala ankuese nuk ka bashkëngjitur prova relevante që do të mund të dëshmonin apo mbështesnin pretendimet e mospërputhjes së rezultateve zgjedhore. Andaj pas analizimit të lëndës është vërejtur se pala ankesën e ka paraqitur jashtë afatit ligjor për paraqitjen e ankesës, sepse pas konfirmimit të ZEKKKZ në Komunën e Obiliqit, aktiviteti i QKN-së është përmbyllur me datën 16.10.2025, në orën 11, ndërsa pala ankesën e ka parashtruar me datën 21.10.2025, pra nuk është brenda afatit siç parashihet me nenin 105, paragrafi 1 i LZP-së Nr.08/L-228.

Paneli Zgjedhor për Ankesa dhe Parashtrës - PZAP, pas shqyrtimit të ankesës dhe shkresave të lëndës, gjeti se:

- **Ankesa është e palejuar (pasafatshme).**

Në këtë rast, nga shqyrtimi i shkresave të lëndës, konstatohet se parashtruesi i ankesës ka dorëzuar ankesën me datë 21.10.2025, ku ka pretenduar se ka pasur parregullsi në Qendrën Komunale të Numërimit (QKN) lidhur me manipulim të votave.

Megjithatë, ankesa është parashtruar pas afatit ligjor për paraqitjen e ankesës, sipas nenit 119, paragrafi 1 LZP-së, ku afati për dorëzimin e ankesës është 48 orë nga ndodhja e shkeljes së supozuar, dhe se **ankesa është dorëzuar në PZAP më datë 21.10.2025, në ora 13:18, ndërsa parregullsia për të cilin pala ankuese pretendon se është bërë me datë 16.10.2025**, kur QKN në Komunën e Obiliqit ka përmbyllur numërimin e votave, që do të thotë se ankesa është dorëzuar pas afatit të paraparë ligjor.

Paneli, ka gjetur se ankesa e parashtruar nga kandidati për asamble komunale në Komunën e Obiliqit, nga radhët e subjektit politik LDK, Irfan Preniqi, është parashtruar pas afatit ligjor të përcaktuar me dispozitën ligjore të nenit 119 paragrafi 1 i LZP-së, i cili përcakton se: *“Personi i cili ka interes ligjor në një çështje brenda juridiksionit të PZAP-së, ose të drejtat e të cilit janë shkelur për sa i përket procesit zgjedhor të rregulluar sipas këtij ligji ose rregullave zgjedhore, mund të parashtrojë ankesë në PZAP brenda dyzet e tetë (48) orëve nga momenti i mbylljes së qendrës së votimit dhe PZAP-i, vendos për ankesën brenda nëntëdhjetë e gjashtë (96) orëve nga parashtrimi i saj”,* si dhe neni 13, paragrafi 3, nën

paragrafi 3.2 i Rregullores Nr.01/2025 për Procedurat e Parashtrimit dhe Vendosjes së Ankesave të PZAP-it, i cili përcakton se “PZAP-i e hedhë ankesën kur vlerëson se ajo nuk përmbush kërkesat e LZP-së dhe kësaj rregullore për shqyrtim: 3.2. nuk është dorëzuar në afatin e paraparë ligjor”.

Prandaj, nga arsyet e theksuara më lartë e në kuptim të nenit 119 paragrafi 1, nenit 115 paragraf 1 i LZP-së, dhe nenit 9 paragrafi 5 nën paragrafi 5.18 të Rregullës 01/2025, për Procedurat e Parashtrimit dhe Vendosjes së Ankesave, paneli vendosi si në dispozitiv të këtij vendimi

Paneli Zgjedhor për Ankesa dhe Parashtrësa

ZL.Anr.289/2025 më datën 22.10.2025

Kryesues i Panelit
Skender Coci



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të Ligjit Nr.08/L-228 për Zgjedhjet e Përgjithshme në Republikën e Kosovës, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.